

未411

4

時疫白喉捷要

書店

光緒乙酉仲夏

時疫白喉捷要

衡山聶氏重刊

時疫白喉捷要序

古醫分十三科喉科尤急蓋喉病者存亡死生懸於呼吸險孰甚焉業是科者名號專門學宜通博凡大方脉中諸名家書固宜細參卽喉科專書亦宜廣搜博考一切脉象舌胎病源病證藥性藥方俱宜求其精理棄其浮詞庶幾於陰陽表裏虛實寒熱標病本病無不深知循規矩而不拘泥達變化而不謬妄斯不致殺人如操刃矣時疫內有白喉一證吳俗名爛喉痧最爲危險患此者多半不治考之昔人論喉病

諸書不惟不載治法抑且無此名稱惟吳醫彙講載李純修及祖鴻範爛喉痧兩論亦云古書不載起於近時疫癘之氣極易傳染治法宜清透消降若元氣日虛毒氣深伏色白如粉皮樣者爲不治之證又驗方新編載治白喉嚨蛾子法雖用藥大致亦以除瘟解毒爲法無如言之不詳用之者不無疑慮蓋一則有論無方一則有方無論皆喉科中缺陷之端也准川張君紹修以醫名當世著時疫白喉捷要一書皆臨證治驗其論親切而有味其方備載而無遺可謂

獨具匠心發前人未發之奇救人世不救之病者矣
昔年板藏前浙江巡撫胡恕堂中丞家外間印本頗
少茲重付手民以廣流傳俾患此證者得慶更生亦
猶張君活人之意也夫

光緒十一年乙酉仲夏日聶緝梨仲芳氏序

時疫白喉捷要目錄

專治時疫白喉隴症論

白喉隴續論

白喉隴看法

白喉隴治法

除瘟化毒散

神功辟邪散

神仙活命湯

龍虎二仙湯

雄黃解毒丸

清心滌肺湯

養正湯

銀花四君子湯

瓜霜散

無治之症

附治白喉方

時疫白喉捷要

湖南淮川張紹修善吾氏著

專治時疫白喉隴症論

白喉有時疫一症其發有時其傳染甚速其病至危至險治者每多束手無策修考之諸書臨症日久竊以爲其治有十難焉蓋此症乃纏喉急痺緩治則死凡咽喉不利口渴舌燥頸腫目赤耳痛唇紅皆上攻頭面之症邪熱客於心肺之間似與他經無涉其有兼及他經者體氣虛弱邪氣乘虛而入皆後之傳變

名曰越經時未傳及他經不察其源治以他經之藥其難一也大抵其症初起惡寒發熱頭痛背脹精神倦怠遍身骨節疼痛喉內有極痛者有微痛者初無形迹可見似傷寒傷風表症若投以麻桂細辛羌防升柴蘇葉之類致毒渙散無可挽回其難二也彼其惡寒發熱乃毒氣初作於內至二三日喉內現白現後寒熱自除或者不悟誤以爲表藥有功豈知白現後卽不服表藥而發熱亦止耶一起誤服羌防麻桂非徒無益而又害之其難三也按此病熱症多寒症

少有以色白爲寒者不思此症初發於肺肺屬金其
色白爲五臟六腑之華蓋處至高之位毒氣蒸蒸自
下而上肺病日深故其本色日著治宜解五臟之毒
使之下行芎朮蓄積於肺若因色白疑爲寒症以附
桂炮姜投之是謂抱薪救火愈熾愈烈其難四也卽
有知爲火毒不可輕用升提開散之品輒以芒硝大
黃下之不知此症已傳至上焦氣分與中下焦無涉
旣上焦氣分受傷又以硝黃攻伐太過使中下焦有
損元氣愈傷其難五也見症確藥當守方有火毒甚

者初起用消風敗毒引熱下行之劑治法良是乃日服二三劑而白不退連服十數劑而白愈有加是猶杯水車薪與事無濟治者當詳審病源或舌胎黃黑喉乾唇焦小便短澀微黃大便瀉泄帶黑是謂火毒凝結內病不除白何能淨愈發白愈守方久久投之自有效驗若另更別方必生變故其難六也察之既精圖治不容緩此乃瘟疫之變症殺人最速過七日不起庸醫辨症未明投以平淡之劑不求有功但求免過是謂優容養奸迨延至五六日毒氣重矣元氣

傷矣善治者不得以猛劑攻之然病已垂危成則無功一旦不起病家不咎優容之過反云猛劑非宜此非誤於後而實誤於前其難七也有非白喉而轉爲白喉者初起喉痛紅腫或惡寒發熱或不惡寒發熱一邊腫名曰單蛾兩邊腫名曰雙蛾治之稍緩則氣閉不起宜用生土牛膝兜引熱下行大便閉用大黃否則不必用此與白喉症異治同倘不預防轉爲白喉爲禍甚烈其難八也又有勞症白喉陰虛火燥痛極而水米難下漸至朽爛形容枯槁面目憔悴必

需補劑使元氣充滿而喉痛自愈若以時行疫症白
喉誤認陰虛差之毫釐失之千里其難九也更有一
種白喉無惡寒發熱等症喉內起白皮隨落隨長的
是寒症非附桂不愈卽誤服消風敗毒之藥亦無大
損若以時行疫症白喉認爲此症爲害不淺其難十
也知此十難臨症審治十不失一難不終難修持此
法活人多矣時疫流行而益不敢自秘謹將看法治
法方法編次成書非敢云濟世之良方亦足爲刀圭
之一助云爾

白喉隴續論

白喉治法浩渺無憑修自稽考以來時深討論每臨編得其法未必見其修臨病見其症未必合其方可見病態多端惟貴圓修而知其要耳修曾立白喉隴症論一篇以傳於世今白喉一症愈出愈險有朝發夕死者延街合巷互相傳染之修不速十難全一噫真可慘也竊此症乃修瘟疫修必修必需詳審外症細察脉情看明喉隴內外兩修多白少及小大厚薄乃可下藥否則以輕劑修其禍甚烈以重劑而

治輕病其醫尤深過猶不及誠哉是言也其症初起
憎寒壯熱口渴喉痛聲音不出湯水不入痰涎壅塞
脹閉疼痛異常滿喉皆白脈多洪數甚者且無至數
此乃時行厲氣爲病喉症中最急者也或者謂咽喉
病忌用寒涼謬妄殊甚每見投以荆防敗毒散大承
氣湯者指不勝屈不知以硝黃瀉胃中之實熱是謂
誅伐無過病以適至其危篤以羌防理太陽之遊風
致使渙散其毒病必漸入於膏肓修立除瘟化毒散
神功辟邪散神仙活命湯已用之屢矣皆能立起沈

疴但恐病勢太重猶嫌藥力稍輕再立龍虎二仙湯
日服三四劑連服數日不必更方縱食不下咽斷不
至寒涼過度胃氣告匱所謂有病則病受也白退而
藥卽止徐徐調理元氣不難充滿惟症尤烈者實火
爲患臟腑積熱太深堵塞咽喉隘地呼吸不通服雄
黃解毒丸亦妙究係厲劑不可輕用慎之慎之然所
論雖屬詳明治者尤宜達變通權兼以閱歷方能隨
手應效活人之法當無出此若輕忽怠玩耽擱日期
使面青唇黑氣急痰壅煩燥神昏攻之不可達之不

及雖虛扁復生不可爲也管見如此望高明酌之

白喉隴看法

初起惡寒發熱頭痛背脹遍身骨節疼痛喉內或極痛或微痛或不痛而喉內微硬有隨發而白隨現者有至二三日而白始現者或由白點白條白塊漸至滿喉皆白所治皆同服藥後喉內或白收緊或白稀疏或白微小或白轉黃久之必然退淨但此病非比他病貴在見幾早尤貴治者精若心粗氣浮輕視此症有非白喉而妄稱爲白喉遽以猛劑攻之者有真

白喉又不識爲白喉僅以平劑投之者有胎產婦女
幼孩老人大病後虛勞內傷皆難任攻伐者治不得
當鮮不輕者重重者危矣醫是病者宜防護自己不
可空腹入患家看病或飲雄黃酒一杯或食大蒜亦
可保不傳染且入臥房病人前需先正其心行坐語
言不可嬉戲貪淫邪念切不可起

白喉嚨治法

初起用粉葛姜蟲蟬退以散風熱以牛子連翹金銀
花土茯苓消腫敗毒生地元參天冬麥冬清金生水

黃芩黃連枝仁山豆根生石膏瀉火救水木通澤瀉
車前仁引熱下行重者再加馬勃龍膽草外用生土
牛膝兜或於未服藥之先既服藥之後煎水間服再
以萬年青搗汁或服或噙輕者以除瘟化毒散主之
重者以神功辟邪散主之再重者以神仙活命湯主
之輕則日服一二劑重則日服三四劑將疫毒由上
焦引至中焦由中焦引至下焦從大小腸膀胱而出
大便瀉泄火毒下行此爲吉兆大便閉塞少加熟大
黃如仍閉塞改用生大黃大便瀉卽去服十餘劑愈

者有之服二三十劑愈者有之以白點退淨爲度其
分量藥味之加減劑數之多寡需臨症制宜不必另
更別方連日投之自然全愈屢試屢驗同治丁卯冬
白喉險症極多有漸至危篤者延余診視詢前所服
之藥皆消風敗毒引熱下行之劑治法良是終莫能
起不解何故余詳審外症細察脈情再三思之想必
是實火爲患熱毒凝結臟腑雖用瀉火敗毒之藥仍
是杯水車薪與病奚濟擬一龍虎二仙湯日服四劑
服十餘劑愈者有之有服至二三十劑而白尙未退

淨服雄黃解毒丸一服仍服龍虎二仙湯十餘劑而愈故遂處此方全活甚眾謹將二方續列於後以備選用白點退完當用清涼之品以清心滌肺湯主之日服一劑徹盡餘毒再服養陰之劑以養正湯主之脾胃素虛者用四君子湯加生何首烏金銀花總賴以圓機行活法也以上白喉治法凡單蛾雙蛾喉癰及喉內紅腫均可依法治之但藥味需酌量加減慎之慎之

除瘟化毒散

粉葛 二錢
黃芩 二錢
生地 三錢
枝仁 二錢
姜蟲 二錢

浙貝 三錢
豆根 二錢
木通 二錢
蟬退 錢
甘草 五分

冬桑葉 二錢
引

此方白喉初起宜之凡單蛾雙蛾及喉痛皆可服

神功辟邪散

粉葛 二錢
生地 四錢
木通 二錢
連翹 二錢
姜蟲 三錢

浙貝 三錢
黃芩 二錢
牛子 二錢
麥冬 三錢
銀花 二錢

蟬退 錢
馬勃 二錢
用絹包煎
青果 三個
引

神仙活命湯

龍膽草

錢

銀

花

二錢

黃

芩

三錢

土茯苓

五錢

生地

四錢

木

通

二錢

生石膏

三錢

浙

貝

三錢

前仁

二錢

馬勃

三錢

用絹包煎

蟬

退

錢

姜

蟲

三錢

生青果

五個

引

以上二方白喉重者宜之日服二三劑少則不效凡單蛾雙蛾喉癰及喉內紅腫去土茯苓金銀花馬勃其餘藥均可斟酌加減服之

龍虎二仙湯

龍膽草

二錢

大生地

兩

生石膏

兩

川黃連

三錢

眞犀角 八錢 黑枝仁 三錢 板藍根 四錢 鼠粘子 四錢

知母 四錢 姜 五錢 蟲 五錢 木通 四錢 元參 四錢

甘草 錢 黃芩 五錢 馬勃 四錢 用絹包煎

大青葉 五錢 粳米 二合 引

此方爲白喉極險者而設可日服三四劑需臨症斟

酌不可亂投

雄黃解毒丸

明雄黃 選透明者研極細水飛取 鬱金 曬燥研細

巴豆 去殼取白色肉十四粒去皮 炒熟研如泥用紙包壓去油

三味各如法製研然後合研勻用米醋煎濃汁麩和爲丸菘豆大每用四分茶湯泡軟杵鎔送下小人減半○纏喉走馬急症緩治則死雄黃能破結氣鬱金能散惡血巴豆斬關奪門能下惡涎下咽無不活者但此屬厲劑乃惡藥也不得已而用之苟非急症不可妄投

清心滌肺湯

生地

三錢

浙貝

二錢

黃柏

二錢

麥冬

三錢
去心

花粉

二錢

知母

二錢

天冬

二錢

黃芩

二錢

姜蟲

錢

甘草

五分

日服一劑以二三劑爲度體氣素弱加條參或加生玉竹亦可

養正湯

生玉竹

五錢

淮山藥

四錢炒

雲茯苓

三錢

熟地黃

四錢

大生地

三錢

酒白芍

二錢

天花粉

二錢

麥門冬

三錢去心

製首烏

四錢

女貞子

三錢

銀花四君子湯

臺黨參

五錢

焦白朮

四錢

雲茯苓

三錢

炙甘草

錢

生首烏

四錢

金銀花

二錢

冬桑葉

二錢

引

瓜霜散 吹藥

西瓜霜 兩 將皮硝灌入西瓜內秋風吹透瓜面上起

白霜卽是

人中白

錢

辰砂

二錢

雄精

二分

冰片

錢

共研細末再乳無聲如非白喉可去雄精

無治之症

白塊自落

七日滿白不退

喉乾無涎

服藥大便不通

兩目直視

未服藥大便瀉

痰壅氣喘 大便連瀉不止

面唇俱青 藥不能下

音啞無聲

附治白喉方 此方載於今人凌嘉六溫熱類編中云是湖州筆客張瑞符所傳極

有效

西牛黃 五釐 冰片 三釐 眞珠 三分 人指甲 五釐男病用女女病用男

象牙屑 三分 青黛 六分去灰脚淨 壁錢 即蟾蛛窠二十箇焙土壁磚上者可用木板

右七味共爲極細末吹於患處效

另附專治跌打損傷方

神效九分散

此方乃異人傳授萬勿輕忽

馬前子

四兩去毛

乳香

四兩去油

麻黃

四兩去筋

沒藥

四兩去油

以上四味各研細末攪極勻存貯瓷器內封極嚴

萬勿洩氣聽用

此藥專治跌打損傷無論男婦老幼皆可內服外敷其效甚速凡有受傷者無論青腫錯折均用燒酒調敷傷處如傷重皮破流血卽用乾藥末撒敷傷處不論藥末之多寡總要將傷敷嚴內再用陳黃紹酒沖服藥末九分服藥後如覺胸中作鬧週身發麻此正

藥力行動不必驚慌略停片刻自見功效若受傷過重服此藥後不見動靜可過一箇半時辰再用陳黃紹酒沖服九分經此再服之後仍不見動靜又過一箇半時辰再服九分如此敷服無論何樣重傷皆能起死回生屢試屢驗真跌打損傷之聖藥也惟此藥力量過大每服萬不可過九分之數切記切記孕婦忌服或傷久氣虛因而盜汗自汗遺精等症者更忌服只將藥末調敷傷處可也

神效痢疾丸

焦 朮

五兩

堅雲苓

四兩

山查炭

二兩

丹

皮

三兩

紅柴胡

三兩

大生地

四兩

芎

三兩

全當歸

三兩

西滑石

三兩

條

苓

二兩

生甘草

兩半

杭白芍

二兩

粉 葛

三兩

共研極細末米汁爲丸每個重五錢

大凡人之疾病由外入內而流行於筋絡臟腑者必服藥乃能驅之若其病既有定處在皮膚骨肉之間可按而得者用膏貼之使藥性從毛孔而入腠理通經貫絡或驅風寒或和氣血或消痰痞或壯筋骨服藥之力萬不能勝之此至妙之法也附桂萬應膏乃張幼堂軍門就徐見隆都督行軍萬應膏原方斟酌製成用此膏者按其病証或徑敷患處或按圖貼穴無不奏效考御纂醫宗金鑑十二經之出入起止淺深左右傷寒刺灸等穴俱有圖註誠以穴隨經上下

人身長短無定必以患人中指第二節爲一寸按之
圖註不差累黍者方能中的凡用此膏者於本篇之
圖說其加意焉可也

楚南聶緝縲識
江南製造局印

附桂萬應膏方治症另載仿單

草烏 二斤
川烏 一斤
白芥子 二斤
廣姜黃 一斤

生地 十兩
白芨 五兩
白半夏 十二兩
白芷 一斤

香加皮 二斤
麻黃 十兩
川獨活 四兩
靈仙 八兩

細辛根 八兩
川芎 十兩
紅花 二斤
大風子 六兩

花椒 一斤
馬前子 十二兩
石楠葉 一斤
生吳萸 八兩

川續斷 四兩
白附子 六兩
穿山甲 十兩
木鱉子 十二兩

乾蟬皮 五十張
木瓜 一斤
艾 二斤半
蘇木 斤半

二丑 八兩
豬牙皂 四兩
皂角 斤半
辛夷花 八兩

大茴香

一斤

蒼耳子

十二兩

香附根

一斤

破故脂

四兩

骨碎補

四兩

蒼耳根

一斤

生南星

一斤

蛇床子

一斤

草麻子

二斤

京三稜

一斤

乾姜

三斤

連翹

一斤

生附子

六兩

柏油

二斤

真降香

二斤

右共四十七味稱準入桐油十斤猪油十斤麻油

六十斤 春夏五日秋冬七日浸透熬枯瀘去渣

渣用破鍋燒
燃瀘油兌用

再將油熬至滴水成珠用廣丹九斤

收膏後不住手攪一千下再入枯礬三兩掃盆十兩水

銀鉛製透

生南星

六兩

甘松

四兩

沒藥

六兩

八兩

鉛製透

生南星

六兩

甘松

四兩

沒藥

六兩

鉛粉

三兩

乳香

六兩各味研極細無聲和入攪百餘下加廣膠六兩

用馮了性藥酒燉融傾入攪一千下臨攤時再入後十味攪勻聽用

川雄四兩肉桂八兩公丁十二兩吳萸六兩

乾姜一斤白川椒五兩細辛根六兩杭芷四兩

川烏四兩西土五兩

右各味亦研極細末以無聲為度共和膏內每帖

三錢重約四千五百帖藥料須用上品不可用副號

治折瘍踉跌損傷腫瘍潰瘍癰瘡塊風寒濕痺頑瘡陰

癰均貼患處勞傷筋骨疼痛腰膝痠軟貼兩膏育

穴在背脊第四椎下五分五椎上一寸賢腧穴在十

下兩旁去脊一寸五分兩三里穴在膝旁下三寸咳嗽吐痰胸喘

上氣貼肺腧穴在第三椎兩旁華蓋穴在喉結下臈

中穴在華蓋下四寸腰痛貼命門穴在十四椎下左

癱右瘓手足麻木貼肩井穴在缺盆上大骨兩曲池

穴在肘外臂骨及肘橫紋頭陷中男子遺精白濁婦人赤白帶下子

宮久冷血崩血漏貼關元穴在臍下三寸偏正頭風各種

頭痛貼風門穴在第二椎兩旁去兩太陽穴在肩井

瘡疾男子貼天府穴在兩腋閒使穴在肘後橫紋下

中
婦人貼右

赤白痢疾貼丹田穴

在臍下二寸

小腸疝

氣貼膀胱穴

在十九椎下去脊一寸五分

寒濕腳氣貼三里穴

心氣痛貼中腕穴

在臍上四寸

走氣疼痛貼章門穴

在臍上二寸

寸兩旁各六寸

水鼓脹氣脹及風寒腹痛均貼臍上

唇疔

及上焦火瘍貼湧泉穴

即足心○外貼患處

口目喎斜左貼右

右貼左

解頤脫臼貼兩頰

妊婦忌貼

此膏揀材監製斤油倍藥性猛力足諸症皆治萬試萬應每膏重約三錢可貼二十日如貼處發痒及斑疥乃吸病外出爪膚過勤恐損肌理宜以生薑刮

之不可頻揭



